

〔宋〕郭允蹈撰

蜀 鹽 金

巴蜀書院

出版說明

宋代蜀中史學之盛，在史學界中早有定評。而宋代蜀中史學專記蜀中史事者，則以《蜀鑑》爲最。《蜀鑑》作者郭允蹈，字居仁，四川資中人，生平不詳。估計爲南宋孝宗淳熙年間至理宗淳祐初年時人。郭的友人李文子，稱其爲「士友」，蓋爲未曾仕進的積學之士。

本書所記蜀事，起自秦取南鄭，迄於宋平孟昶，上下一千三百餘年，共十卷。後二卷爲西南夷始末，其敘述蜀事，略如紀事本末之體；每條有綱有目有

論，略如《通鑑綱目》之體。其日末兼附考証，則極爲詳審，於地理頗爲精核，如辨公孫述之據捍關，引用樂史《寰宇記》以証《史記索隱》之誤；陳倉之馬鳴閣，引《蜀志》以証《寰宇記》之誤；斜谷之遺要，引《興元記》以補裴松之注之闕；諸葛亮之築樂城，引《通鑑》以辨《華陽國志》、《寰宇記》之異同；凡此皆可概見。

作者生當南宋末季，其著書之志，主於捍拒秦隴之師，振控巴渝之險，故所記皆戰守勝敗之蹟，於軍事之得失，地形之險易，叙次特詳。書名《蜀

鑑》者，蓋鑑古戒今之意。從這一點來看，本書又可作爲戰爭史來讀，是治軍事史者可貴的資料。

作者生於封建時代，思想自有其局限之處，如對當時四川少數民族，時有貶辭，甚至把自晉至唐末數百年間四川文物之不逮兩京，歸因於獠之流布於名郡樂郊，這類觀點的錯誤甚明，毋庸贅言。

《蜀鑑》十卷本，明清及民國均有刻本，而以明嘉靖刻本爲最佳。本書版本即明嘉靖三十四年刻本，傅增湘稱其「字大如錢，板刻極古」，故影印以餉讀者。書中誤字，一如其舊。



蜀鑑序

四庫全書

蜀在禹貢一梁州爾文王興於岐
西而從武王牧野之師者乃庸蜀
羌髡微盧彭濮人說者謂文王化
行江漢之所被信矣三代以來秦
得蜀以并諸侯漢高由蜀漢以定
三秦諸葛孔明三分天下僅有其

一而伸大義於李漢詐以其地西
接嶠函南連荆吳扼關河之勝則
為右府之固合吾蜀之長則據上
流之重險要雖控制一隅而形勝
實關於天下歟

中興南渡首吳尾蜀有常山之勢
前褒後劔得金城之險乃審西顧

護蜀如頭目保蜀如元氣世歷百
年歲經三卯外有虎噬之虞內懷
頽勞之憂而蜀之為蜀非全盛時
比矣文子久仕於蜀身履目擊而
動心焉燕居深念細繹前聞因俾
賓中郭允蹈緝為一編起自秦取
南鄭迄于王師平孟昶凡地形之

阨塞山川之險阻邇雍而隣荆者
稽之舊史按之圖志悉紀于篇西
南夷為蜀後戶朱彤之憂難忽而
已事之鑒可師則又條其本末而
附之間又論其得失之要者定為
十卷凡千三百年蜀事之大凡亦
可以概見於此噫蜀在宇內九之

五
一爾得之則安失之則危竊之則
亡覽是書者可以鑒焉因名曰蜀
鑑云端平三年十月朔旦昭武李
文子序

1944

1945

1946

1947

1948

1949

1950

1951

1952

1953

1954

1955

1956

1957

1958

蜀鑑序

宋端平中昭武李文子嘗仕于蜀
蒐擇史傳自秦取南鄭至宋平孟
昶上下千貳百年事之繫乎蜀者
爲書拾卷凡國統之離合地勢之
險易賢才之盛衰攻守之得失與
夫忠順致福之效逆亂取禍之原

莫不畢舉而詳之名曰蜀鑑殿下
受封茲土既篤志一帝三王之典
以明道立德復縱觀史策攷論臧
否以為勸戒暇日覽是書而有取
焉俾臣序之將重鐫而傳於世臣
惟流峙不易者山川之形也變遷
靡常者古今之事也形勢得之而

後固事變得之而後安君不得之
則無以守其國臣不得之則無以
守其身者萬世當行之道也蜀之
形勢天下之險莫先焉然惟有道
者處之行仁義之政盡忠順之禮
惟持人心之具膠結而不可解範
防外患之方鞏固而不可陵則山

若為之益高江若為之淵深閭門
不加譏呵而衆庶樂業福祥自至
苟不循道上無以得乎居下無以
宜乎民而欲恃江山以為守其果
足恃乎是非成敗之已然者槩可
見於此書矣恭惟殿下之國甫五
載寬大仁厚之政治乎夷蠻忠孝

慎恭之德聞於四方不怒而群臣
知耻不殺而萬民畏威固已超乎
千載之表尚何俟此書以為鑑抑
書之意亦何俟臣之言而後明哉
然聖智之慮不止於善一身安一
時而必欲垂法子孫黎民以傳示
後世夫後世至遠也子孫黎民至

衆也欲至遠與至衆者皆若殿下
之心以保邦家於無窮則示之以
往古之鑑非過也而臣承命而有
言焉雖自知其過而亦不敢辭也
漢中府學教授方孝孺撰

蜀鑑卷第一

秦人取南鄭



秦厲公二十六年秦左庶長城南鄭

秦躁公二年南鄭反

秦惠公十三年秦伐蜀取南鄭

南鄭本古褒國按鄠道元水經注云東
周之初鄭桓公死於犬戎其民南奔居
此因曰南鄭後為蜀所併至是秦始取